



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400; 726 414; 033 726 409
fax. +387 33 726 423; 726 414
e – mail: info@voda.ba

Broj: **UP-1/21-3-40-270-4/22**
Datum: **15.06.2022. god.**

«Agencija za vodno područje rijeke Save» Sarajevo rješavajući po zahtjevu pravnog lica „PAVIĆ - KOMERC“ d.o.o. Tuzla za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokacije autosalona, autoservisa, autopraonice sa pratećim prodajno administrativnim-sadržajima, izgrađenog u naselju Ljepunice, naselje Mramor, općina Tuzla, na osnovu člana 139. stav (1) tačka 3., Zakona o vodama («Službene novine Federacije BiH, broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj dozvoli**

1. Pravnom licu „PAVIĆ-KOMERC“ d.o.o. Tuzla daje se vodna dozvola za ispuštanje tehnoloških otpadnih voda u prirodni recipijent sa lokacije autosalona, autoservisa, autopraonice sa pratećim prodajno - administrativnim sadržajima, izgrađenih na zemljištu označenom kao k.č. broj: 1367/3 i k.č. br. 1367/5 K.O. Ljepunice, općina Tuzla.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu pregleda dostavljene projektne i druge dokumentacije, utvrđenog činjeničnog stanja i uz slijedeće uslove:
 - 3.1. Da se upotreba i korištenje predmetnog kompleksa vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da vlasnik, odnosno korisnik poslovnog objekta za sve vrijeme trajanja ove vodne dozvole obezbjeđuje da se oborinske vode, kao i vode od pranja parking površina, manipulativnih površina servisa motornih vozila, od pranja alata i opreme, pranja motornih vozila iz autopraonice, koje mogu biti onečišćene naftnim derivatima i opterećene suspendovanim materijama, nesmetano sakupljaju i putem linijskih rešetki, slivnika i kanalizacione mreže odvede do ugrađenog separatora ulja i naftnih derivata sa koalescentnim filterom, a zatim tako prečišćene ispuštaju u Dobrnjski potok.
 - 3.3. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda (separator, slivnici, rešetke, kanalizaciona mreža, odvodni kanali), redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
 - 3.4. Čišćenje, odvoz i konačno zbrinjavanje sadržaja separatora i drugog opasnog otpada povjeriti pravnom licu ovlaštenom za tu vrstu djelatnosti prema sklopljenom ugovoru.
 - 3.5. Prečišćene tehnološke otpadne vode moraju ostati u maksimalno dopuštenim granicama definisanim članom 14. i 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).

- 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
- 3.7. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i zauljenim otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.8. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
- 3.9. Korisnik objekta je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07 - 03/16), Prilog 1., Poglavlje V – tačke 12. i 13. Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, pravno lice, odnosno korisnik objekta "PAVIĆ-KOMERC" d.o.o. Tuzla je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu autopraonice obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

Obrazloženje

Pravno lice "PAVIĆ-KOMERC" d.o.o. Tuzla obratio se ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokacije objekata servisa motornih vozila i autopraonice, izgrađenih na zemljištu označenom kao k.č. broj: 1367/3 i 1367/5 K.O. Ljepunice, općina Tuzla.

Uz zahtjev je dostavljena slijedeća dokumentacija:

- Rješenje o izmjenama podataka, broj:032-0-Reg-15-002005 od 16.12.2015. godine izdato od strane Općinskog suda u Tuzli;
- Uvjerenje o poreznoj registraciji od 30.07.2008. godine izdato od strane Porezne uprave-Kantonalni ured u Tuzli;
- Uvjerenje o registraciji obveznika poreza na dodanu vrijednost, broj:04/5-1/II-17-1-1735-696/05 od 11.11.2005. godine;
- Rješenje o odobrenju za građenje, broj:06/10-23-005475/07 od 15.08.2007. godine izdato od strane Službe za prostorno uređenje i zaštitu okoline općine Tuzla – kopija,
- Rješenje o vodnoj dozvoli, broj:UP-I/25-3-40-283-4/17 od 05.05.2017. godine izdato od strane Agencije za vodno područje rijeke Save, Sarajevo;
- Rješenje o vodnoj dozvoli, broj: 04/1-13-25-5471/19 od 16.04.2019. godine izdato od strane Ministarstva poljoprivrede, šumarstva i vodoprivrede Tuzlanskog kantona;
- Izvještaj o monitoringu kvaliteta i kvantite otpadnih voda objekta „Pavić Komerc“ Tuzla, broj izvještaja: 711/22 urađen od strane „Inspekt RGH“ d.o.o. Sarajevo maj 2022. godine;
- Glavni projekat snabdijevanja vodom, odvođenja i tretmana otpadnih voda „Pavić Komerc“ d.o.o. Tuzla, urađen od strane „INSTITUT ZA EKOLOGIJU I OBRAZOVANJE“ d.d. Tuzla, oktobar 2008. godine;
- Dokaz o uplaćenju upravnoj i administrativnoj taksi.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19 i 41/20), izvršen je pregled predmetne lokacije i tom prilikom sačinjen zapisnik o uviđaju broj: UP-1/21-3-40-270-3/22 dana 06.06.2022. godine.

PAVIĆ-KOMERC d.o.o. Tuzla je ovlašteni prodavac i serviser dijelova iz proizvodnog programa Citroen. Autosalon, autoservis, autopraonica sa pratećim prodajno-administrativnim sadržajima nalazi se u naselju Ljepunice, Mramor, općina Tuzla, na zemljištu označenom kao k.č. broj: 1367/3 i k.č. br. 1367/5 K.O. Ljepunice. Snabdijevanje vodom riješeno je priključkom na javni gradski vodovodni sistem.

Tehnološke otpadne vode koje nastaju u radionici prilikom servisiranja vozila, kao i vode iz autopraonice i drugih radno-manipulativnih, saobraćajnih i parking površina se prikupljaju putem slivnika, kanala i rešetki te odvođe do separatora ulja i naftnih derivata. Nakon tretmana na separatoru, prečišćena voda se preko monitoring okna upušta u Dobrnjski potok.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku,

uvjetima načinu izdavanja i čuvanja vodnih akata i odredbama člana 3. tačka s) i članova 14., 15., 19. i 20 Uredbe o uslovima ispuštanja otpadnih voda u okoliš i sisteme javne kanalizacije.

Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva „PAVIĆ-KOMERC“ d.o.o. Tuzla ispunio minimum uslova za izdavanje vodne dozvole za ispuštanje tehnoloških otpadnih voda sa lokacije autosalona, autoservisa, autopraonice izgrađenih na zemljištu označenom kao k.č. broj: 1367/3 i k.č. br. 1367/5 K.O. Ljepunice, općina Tuzla, te je riješeno kao u dispozitivu ovog Rješenja.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

Meho Čaušević, B.Sc.inž.građ.

– Prilog:

Glavni projekat snabdijevanja vodom, odvođenja i tretmana otpadnih voda „Pavić Komerc“ d.o.o. Tuzla, urađen od strane „INSTITUT ZA EKOLOGIJU I OBRAZOVANJE“ d.d. Tuzla, oktobar 2008. godine.

**Po ovlaštenju
Rukovodilac sektora za izdavanje vodnih akata**



Haris Ališehović, dipl.inž.građ

Dostaviti:

- „PAVIĆ-KOMERC“ d.o.o. Tuzla, ul. Ljepunice b.b. 75212 Mramor-Tuzla, (sa prilogom)
- ⊖ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava